

P. 11031/2/3

3

CORTEGGIO  
DE' PASTORI

AL NATO BAMBINO

G E S U'

COLLA NINNA CANTATA

*ALLA GLORIOSA VERG.*

M A R I A

COMPOSTA DA GIACOMO D'ORSA



IN PALERMO

Si vende da Giovanni Anello nella Piazzetta del Carmine al n. 28.

Ghidda notti disiata,  
 Chi nascitu lu Verbu Eternu,  
 Cu la vista sua sagrata  
 Temperau lu friddu 'nvernu,  
 E la terra pri stupuri  
 Fici frundi, frutti, e xiuri.

Omu, e Diu si vitti natu  
 Ntra na Grutta a la campia,  
 Fu di l'Angili aduratu  
 Cu l'Angelica Armunia,  
 Chi cantava in sua memoria  
 In excelsis Deo gloria.



## 3

Li Crapuzzi, e Picureddi  
 Campiggianu susu, e gnusu,  
 Fisteggiavanu l'Auceddi  
 A lu cantu priziusu,  
 Comu avissiru parratu  
 In bon'ura chi sia natu.

## 4

Li Pasturi spavintati,  
 Chi a sett'uri ci agghiurnau,  
 Cu gran fidi, e caritati,  
 Cursi ogn'unu, e l'adurau,  
 Natu 'n terra lu truvau,  
 E di Diu s'innamurau.

4

Aduraru a Diu Bambinu ,  
A Giuseppi, ed a Maria,  
Poi si misiru in caminu  
Pri li mandri, e la campia,  
Procurannu allegramenti  
Di purtarci lu prisenti.

5

6

Primu jiu lu Lignaloru,  
E ci dissi: Maria digna  
Pri stu Figliu spinnu, e moru,  
Nunaju autru busi, e ligna  
Pri stu tempu, chi junciu,  
Fazzu vampi, e v' arricriu.



7

Arrivau lu Picuraru  
 Cu na Pecura scannata  
 Ci dicia Bambinu caru,  
 E vui Virgini sagrata;  
 Una Pecura vi portu,  
 Nunaju autru pri cunfortu.

8

Junciu appressu lu Curatulu,  
 E ci dissi gran Signura,  
 Mi cunsolu, e mi cungratulu  
 Cu sta bedda Criatura:  
 Ci purtavi un rigaleddu  
 Na ricotta, e un tumazzeddu

Trasiu un poviru Pasturi,  
 Ci dicia Re di li Celi,  
 Portu in signu di l'amuri  
 Ciasfaghiuni, e Cannameli,  
 Mi darrai pri chistu dunu  
 Di li culpi lu pirdunu.

Di li vacchi un Zammataru  
 Trasi, e dici sta parola:  
 Matri santa, e Figghiu caru  
 Cumpatisci, su di fora,  
 Portu latti ntra dui cischi,  
 Tuma, e cascavaddi frischi,



11

Lu Furnaru cu alligrizza,  
 Trasi, e dici Diu umanatu,  
 Mentri s' ntra sta bassizza,  
 T' offirisciu un vuccidatu,  
 Ringrazianduti Signuri,  
 Chi nascisti pri miu amuri.

12

Jiu divottu lu Craparu,  
 Ci purtau un Crapettu vivu,  
 Ci dicia Bambinu caru  
 La tua Grazia ricivu,  
 E tu accetta in curtisia  
 Stu Crapettu, e l'Anima mia.

Arrivau lu Jardinaru,  
 E ci dissi Diu Bambinu,  
 Cu dui vasi mi dichiaru  
 Offerirti meli, e vinu,  
 Sta racina, aranci, e xiuri  
 Pri tua gloria mju Signuri.

Un pasturi puvireddu  
 Pri adurari lu Patruni  
 Fici un bonu mazzuneddu  
 Di finocchi, e di carduni  
 Lagrimandu l'offriu,  
 Nunaju autru amatu Diu.



15

Una afflitta Zingaredda,  
 Chi vinia di ssi muntagni,  
 Ci purtau una cuffitedda  
 Di nuciddi, e di castagni  
 Ci dicia divinu aspettu  
 Ricivitinni l' affettu.

16

Salutau lu Cacciaturi,  
 Ntra la Grutta fici festa,  
 Poi ci dissi miu Signuri,  
 Cu stu tempu di timpesta  
 Quattru auceddi ti purtai,  
 E un cunighiu bonu assai.

La purissima Maria  
 Benedissi li Pasturi,  
 Ralligrativi dicia,  
 Chi miu Figghiu è tuttu amuri  
 Sti finizzi in sua memoria  
 Vi li paga a la sua Gloria.

Li Pasturi fattu chistu,  
 Cu sampugni, e ciarameddi,  
 In prisenzia di Cristu  
 Cuncirtaru vuci beddi,  
 Dandu laudi a lu Missia,  
 A Giuseppi, ed a Maria.



19

Maria Virgini cu affettu  
 Si pighiau lu Fighiu in brezza  
 Ci dicia Fighiu diletto ,  
 Ccà lu friddu ti strapazza ,  
 Cu sti soni , e sti piaciri  
 Cerca un pocu di durmiri .

20

Cu li biundi toi capiddi ,  
 Vai ligandu appena natu  
 L'almi afflitti a middi a middi  
 Comu amanti svisceratu  
 Tantu fa l'amuri to ,  
 Duci Fighiu fa la ho .

Figghiu miu la sagra frunti  
 Pari un Celu cristallinu,  
 Li hiddizzi su congiunti  
 A lu to Vultu Divinu,  
 Fa a la Mamma curtisia,  
 Dormi un pocu vita mia.

Gesù miu li sacri gighia  
 Sunnu dui archi baleni  
 Di stupenda maravighia,  
 Quannu spinti li manteni,  
 Ora basciali na stizza,  
 Dormi eterna cuntintizza.



23

Figghiu miu li vaghi aurori  
 Su dui stiddi risblendenti,  
 Chi sazianu lu cori  
 Cu li guardi soi puncenti  
 Di lu grandi amuri tò  
 Figghiu caru fa la ho.

24

Si lu nasu è affilateddu,  
 Li masciddi su dui rosi,  
 La vuccuzza Figghiu beddu  
 Lu miu Patri la cumposi  
 Di celesti melodia,  
 Dormi Figghiu anima mia

Fusti eternu cu diletta  
 Fighiu in Celu senza Matri;  
 Ora si pri tantu affettu  
 Natu in terra senza Patri,  
 Tantu oprau l'amuri to,  
 Miu Gesuzzu fa la ho.

Dormi dormi amatu beni,  
 Chiudi l'occhi, e fa la ninna  
 Si lu sonnu nun ti veni,  
 Fighiu aggucciati a la minna,  
 Chi frattantū cantirò,  
 Ti addurmisci, e fa la ho



27

Figghiu miu l'ardenti amuri  
 Ti ridussi a sta Capanna,  
 Spusu miu, Patri, e Signuri  
 Lu gran friddu è chi t'affanna,  
 Ti ristrinciu ntra stu pettu,  
 Dormi Figghiu miu diletto,


28

A lu Tronu maistusu  
 Si di l' Angili aduratu,  
 Ora nudu, e rispittusu  
 Ntra lu senu collocatu  
 Lu curteggju Figghiu beddu  
 Fu lu Voi, e l'Asinendu.

Figghiu cerca ripusari ,  
 Pigghia latti di stu pettu  
 Pirchè un jornu hai di pruvari  
 Cruci , e Spini pri to lettu ,  
 Pri vivanda Acitu, e Feli  
 Dormi Diu Re di li Geli.

Duci sonnu lu gabbasti ,  
 Già mi fai lu runfuliddu  
 Figghiu miu ti quietasti ,  
 Graziusu picciriddu ,  
 Tu riposa, e Maria tua Genitrici  
 Ti strinci, adura, lauda, e bini-  
 L U F I N I      dici.





Fondo librario antico dei Gesuiti italiani  
[www.fondoliberaliantico.it](http://www.fondoliberaliantico.it)









Fondo librario antico dei Gesuiti italiani  
[www.fondollibrarioantico.it](http://www.fondollibrarioantico.it)



